

Broj: 31-01-45-338-01/20  
Sarajevo, 20.03.2020. godine

Na osnovu Naredbe Federalnog štaba civilne zaštite broj 12-4-6-148-24/20 od 19.03.2020. godine i člana 38. Pravila KJU „Odgojni centar Kantona Sarajevo“, direktor donosi

### NAREDBU

1. Uspostavlja se trijažni punkt sa sanitarnim upitnicima prije ulaska u objekat Kantonalne javne ustanove „Odgojni centar Kantona Sarajevo“ u ulici Jukićeva bb.
2. Nalaže se svim radnicima Odgojnog centra da prilikom dolaska na posao, odnosno prilikom svakog ulaska u objekat Ustanove obavezno unutar trijažnog punkta izvrše mjerenje tjelesne temperature, nanošenje zaštitnih rukavica i zaštitne maske za lice, te dezinfekciju odjeće i obuće namjenskim dezinfekcionim sredstvima osiguranim u punktu.
3. Nalaže se svim radnicima Odgojnog centra da prilikom trijaže za potrebe vođenja dnevne evidencije daju podatke o svom zdravstvenom stanju (tjelesna temperatura, prisustvo kašlja i/ili otežanog disanja), kao i podatke o eventualnom kontaktu sa osobama kod kojih je prisutna ili za koje sumnjaju da je prisutna zaraženost koronavirusom.
4. Sva treća lica koja za potrebe osiguravanja procesa rada Odgojnog centra (poštar, dostavljač, sudski kurir i slično) ulaze u objekat, dužna su u trijažnom punktu istinito i tačno popuniti sanitarni upitnik, te izvršiti mjerenje tjelesne temperature, nanošenje zaštitnih rukavica i zaštitne maske za lice, kao i dezinfekciju odjeće i obuće namjenskim dezinfekcionim sredstvima osiguranim u punktu.
5. Zadužuju se radnici koji su prema dnevnom rasporedu rada raspoređeni na poslove trijaže u trijažnom punktu da postupaju u skladu sa ovom Naredbom, te primjenjuju sve propisane mjere zaštite kako u slučaju ulaska radnika, tako i trećih lica u objekat Odgojnog centra.
6. Radnici Odgojnog centra dnevno raspoređeni na poslove trijaže dužni su, za slučaj da prilikom pregleda radnika ili trećih lica uoče prisustvo nekog od simptoma zaraze koronavirusom (povišena temperatura, kašalj, otežano disanje), iste odmah udalje iz prostora trijažnog punkta i onemogućavaju ulazak u objekat, te o tome informišu direktora Odgojnog centra radi poduzimanja daljih radnji.  
Istovremeno se utvrđuje obaveza radnika raspoređenih na poslove trijaže da vode dnevne evidencije o izvršenom pregledu radnika Odgojnog centra, kao i obaveza prikupljanja popunjenih sanitarnih upitnika, te dužna sedmična dostava navedenih evidencija i sanitarnih upitnika šefu Službe za opšte i zajedničke poslove.
7. Naredba stupa na snagu danom donošenja i primjenjuje se do daljnjeg.

Pripremila: Merima Brdarić, po ovlaštenju šef Službe za opšte i zajedničke poslove

Direktor

Mirsad Pindžo

Dostaviti:

- svim Službama/oglasne ploče x5
- ulazna vrata objekta Odgojnog centra
- trijažni punkt

